



**Petrvs Cnaphevs Sev Fvlo In Thoma VVegetino,
Lvtherano Theopaschita Redivivvs**

Gretser, Jacob

Ingolstadii, 1609

§. 11. Sanctorum Patrum & Episcoporum gratulationes & acclamations ad
nouum Fullonem VVegetinum.

[urn:nbn:de:hbz:466:1-65394](https://nbn-resolving.de/urn:nbn:de:hbz:466:1-65394)

§. II. Sanctorum Patrum & Episcoporum
gratulationes & acclamations ad no-
num Fullonem VVegelinum.

FELIX Papa III. olim prisco; nunc nouo
Fulloni Crucem, quam adiecit
ad Trisagium.

VNDE tibi tam pessima superbia subrepere potuit, ut te ipsis quoque sanctis Angelis intelligentiorem, sapientioremque putares? super his ingemisco, in his plango inimicos crucis Christi, quorum finis perditio, & quorum Deus venter est, & gloria in confusione ipsorum. Non cogitasti, quod scandalizare vel vnum solum ex his, qui credunt in Dominum nostrum I B S V M Christum, quam graui cruciatui facit obnoxium? Sed incaute, ut serpens Euæ, tu ipse quoq; erroris venena multitudini fidelium, atque auribus infudisti, traditamq; ab Angelis sanctissimam laudationis formam corrupisti, inserens illi, qui Crucifixus es pro nobis. Ergone non aduertisti, quod Paulum Samosatenum Photinumq;, & Artemium impietate transcendis, qui duos Dei Filios posuerunt; vnum quidem ante secula, alterum vero nouiter natum, cum ipse quoque Trinitati inuexeris plurimatem, duos Dei Filios dicens, vnum fortem, alterum, crucifixum?

Ad hæc, fidelissimum Christi gregem in Manichæi opinionem præcipitare contendis, qui Spiritum sanctum asserit crucifixum. Nam, quod post illud, sanctus immortalis, quod est Spiritus sanctus, tunc infers; qui pro nobis crucifixus es, misericere nobis: quaternitatē-

E 2 que,

que, non trinitatem populo insinuare videris. Nempe, si ex humana traditione manasset hæc laus; non ita incautè crucem insereres laudi, in qua filij appellatio, fortis scilicet ponitur. Quoniam verò ab Angelis nobis laus ista profluxit, qui ante crucem dicebant: sanctus, sanctus, sanctus: sicut respicere Esaias meruit; post crucem verò cum laude clamabant; sanctus Deus; sanctus fortis, sanctus immortalis.

Esaias 6.

Denique cum terræmotu Constantinopolis queretur, populusque in Campo erat, infantulus, toto populo spectante cum Proculo ciuitatis Episcopo, in cælum per vnam horam raptus est, ibique huiusmodi didicit hymnum. Rursumq; descendens, nunciauit, quæ in æthere audierat, dicens de cælo, quasi de multitudine psallentium, huiusmodi laudes insonuisse auribus suis, dictumque sibi, ut eam laudationem populo indicaret. Quam vbi populi inceperant, ciuitatem receperunt, Deoque per huiusmodi laudem propitio facto, ab imminenti ira liberati sunt. At tu quām temerè, vt scripturas diuinæ reliquas, ita & Angelorum laudem peruertere præsumpsisti? Quis igitur in huiusmodi non ingemiscat? quis non lamentetur? quis dolor similis inuenietur; sicut dolor Ecclesiæ Domini, & Saluatoris nostri Christi, &c.

Vide à te populos semel illuminatos, qui bona gaudauerunt Dei verba, Dei mandata, Dei prophetias, prædicationes Dei, Apostolicas, Euangelicasque doctrinas abs te peruersti magis, ac doceri, non solum crucifigere Filium Dei, & ostentui habere, verùm & contraria sentire scripturis diuinis, & pacta abnegare, quæ accedētes ad sanctum baptismus fecerunt. Nam, cùm coram cælestibus virtutibus omnibus, coram Apostolicis, Euangelicisque ordinibus sancti baptismatis tempore promis-

miserint credere in vnum Deum omnipotentem, nunc illos in tres Deos credere docuisti. Rursum, cum polliciti sint, credere in vnum Dominum IESVM Christū, filium Dei incarnatum, & hominem factum de Spiritu sancto, ex MARIA Virgine; tu, eos doces, ne dicant Dominum IESVM Christum filium Dei crucem perpetuum esse, qui Deus est secundum sempiternam, & impassibilem ex Patre generationem; & idem homo secundum eam, qua in nouissimis diebus ex matre prodidit, secundum quam etiam sustinuit passionem; sed unum Trinitatis mortuum esse, qui est ipsum Dei verbū. Confessi sunt rursus Spiritum sanctum viuificum, & immortalem, dicentes; credere in Spiritum sanctum, Dominum, & viuificantem; & mortalem esse ponis Spiritum sanctū, cum dicis; sanctus immortalis, qui crucifixus es pro nobis. Fuge, obsecro, huiusmodi errorē. Corruisti, noli in ruina persistere. Peccasti; iam peccare noli. Exspectat te sancta Dei Ecclesia, cupit amplecti poenitentem in vanis propositionibus tuis, & secum de Christo diuina prædicantem: neq; negantem ipsius animatam incarnationem, secundum quam etiam passus esse memoratur, clamatque tibi per nos: Venite ad me omnes, qui laboratis, & ego reficiam vos, &c.

§. 12. Quintianus Episcopus veteri & nouello Fulloni Crucem, quam Trisagio addidit.

Multifariam, multisque modis, à veritate deuiasti, *Exstat haec Epist. vi & seq. Episcop.* contraria facis herilis mysterij, non sequendo Euangelia, vel Apostolos, vel sanctos Patres. Etenim expositio tua grauem fert contra ipsos nouitatem Catholicæ Ecclesiae. Et quidem non abieciisti ipsam, nullis Episcopis præmonentibus te (maxime sanctissimo Archiepiscopo Felice) ab ipsa diuertere, & esse rectum, & orthodo-

Tom. 2. Concil. Edit: nupera Biniana.